

20. Yehrf.

70 Mt.

363 Pl.

Pa. O. Abh. 1835

~~Arch. 25~~

~~Arch. II d. 81~~



Arch. 8° G. 1519 (11)

Von N. 1 sagt A. Brauer (f. d. d. Opera rariora, quae latitant
in Biblioth. Con. Reg. Wic. ercep. ad S. J. d. Sept. in Rebdorf)
p. 136. das Buchlein ist mit Löffelstein besetzt, und wird
niehtig als die jüngste Salzfahrt bestrichen. D. Fabric. Leiniger.
Luther. p. 11. p. 524.

No. 11. Great 6. fanger (of Sept. 1804) in the air.

N. 2. — — — — —

N. 4. — — — — —

N. 8. — — — — —

N. 10. — — — — —

1

Doctor Martinus

Lucher Augustiners vnterrichte
auff etlich artickell die im vonn
seyen abgünern auff gelegt vñ
zu gemessen werden.

1519

Bernhardus Graff zu Wimmigen, her zu weyding
und Gschwinenbürg, und in sein liebe abgeforn
galt

Bernhardus Graff

Es Allen die diesen Brieff sehen/hören/vnnd lesen/
Entdeut ich Martinus Lucher Augustiner zu Wittens-
bergz meyn vnterthenigen dienst vnnd armß gepet.

Es ist für mich künmen/wie das ethliche menschen
meyne schrifft/sunderlich/die ich mit den geleerten/nah
der scherffe gehandelt/dem eynfeltigen volck felschlich/
eynbilden/vnnd mich in ethlichen articeln vordrechtig
machen/das auch etlich sonst im glaubenn barwesslich
durch sulche eynbildung vorwacht/schimpflich reden
von der liebe heylgē fürbit/vom segneur/von gutē wer-
cken/fasten/beeten/zc.vonn der Römischen kirchem
gewalt/als solt das alles nichts seyn/Der halben ich/
so vil mir möglich/den selbigen schedlichen zungenn
bezeigen vnd mich vorklereu muß. Wir eyn iglich seum
Christen mensch/wolt mich recht vonehmen/vnd den
selben meynen vnzepeten dolmeischern/nit mehr dan
mir selbs glauben.

Von der lieben heyligen fürbit.

Es Sitz ich vnd halt fest mit der ganzen Christens
heyt/das man die lieben heyligen eeren vñ anrufen sol
Dan wer mag doch das widersechten/das noch heuttig
gis raris/sichlich/Bez der lieben heyligen Corper vnd
greber/got durch seyner heyligen namen wunder thut
Das ist aber war/vnd habz gesage/es sey nie Christens
lich/das man geistliche nordurfft nit mehr adder vlyßi-
ger/dan die leyliche/Bez den lieben heyligen suchē.
Was findt man igt enen heyligē/der vmb gedult/glan-
ben/liebe/keuscheyt vnd ander geyschliche guttere/wirt
anzurufen als Sankt Anna/vomb reychtumb. Sankt Lo-
renz vor das feur. Der vmb eyne böße peyn/Der vmb
diz der and vmb dz/Tut dz als zu vorwerffen sey/ sun-
das eyn Christen mensch die geistlichen mehr achtē solt
Dan die gutte/die er sich auch den thirern/vñ heyden
gemeyn. Daruber seynd etlich so nerrisch/dz sie meynē
die heyligen haben eyne macht/adder gewalt/sulchs zu



ehun/Szo sie doch nür vorbitter seind. Vnd alles durch
got allein gethâ wirt. Darumb sol man sie so anruffen/
vnnnd ceren/das man got durch sie anruffe vnnnd eere/
wie ps I 31. Memento domine Dauid/gedenck got an
Dauid/vñ aller seiner sanfftmütigkeit. Also auch Mo-
ses / vor got anzeuget. Abraham / Isaac vnnnd Jacob/
vnd die Christenliche Kirche in yhienn gepetenn das selb
gar wol leret.

§ Von dem Segfeuer

§ Sol man fest glauben/vnnnd ich weysß das war
ist/das die armen seelen vnsegliche peyn leyden/vñ mā
yn helfen schuldig ist/mit Beeten/fasten / almosen vñ
was man vormag. Was aber die peyn von art sey
vnd ob sie alleyn zur gnugthuung adder auch zur besse-
runge diene/weysß ich nit/vñ sag noch das das niemāt
gnugsam weysß. Drumß solt man das got befelen vnnnd
mit claffen vnd ausschreyen als were man desselbē gewiß
Vñß ist nit mber befölen/dan yhn zu helfen / got wils
alleyn wissen wie er mit yhn handelt.

§ Auch das man mit ablas/vñß segfeuer rauschen
wil vnd also mit gewalt/in gottes heymlich gericht fals-
len/hab ich nicht wissen/vñ noch nit weysß zuerhalten
adder zu bewererenglaubß wer do wil/ich wils nit glau-
be/Es werd dan basß beweyßet/dar durch hab ich/ob
got wil/das segfeuer/nit voileugnet.

§ Von Dem Ablasß.

§ Ist gnug eynem gemeynen man zu wissen/das
ablas sey emledigung der gnugthuung für die sünde/
Szo doch das es gar vil geringer ist/dann gutte werck
seynn gepotenn vnnnd wyr schuldig zuthun/
Ablas ist frey vñ wilkögig/sündiget niemant/der es nit
löset/vordienet auch nichts der es löset. Drumß so yea
mant eynem armen mēschen nit gibet/adder fernem neg-
stenn nit hilfft/vnd doch meynet ablasß zu lassen / thut
nit anders/dan das er got vnd sich selb spottet Er thut

Das nit/Das got gepoten hat/vñ ehne/Das ym niemant
gebotten hat. Was mehr vonn ablas zu wissen ist/sol
man den zelerten yn den schulen lassen/vñ an disen vor
stand sich gnugen lassen.

¶ Von Den Gepoten Der Heyligen Kirchen.

¶ Gottes gepot sol man vber der kirchen gepot
achten/wie das golt vnd edel gesteyn vber das holz vñ
stroe/alsß der Apostel lauter. 1. Co. 3. Vnd sol ybe keynea
vorachten. Drumb wann du sichst/das eyner schweret/
flucht affierredt adder seynen nechsten nit hilfft/ßo sol
tu gedenden vnd wissen/das der self vil erger ist/dan
der fleisch am freytag isser/adder die gepotē fasten bris
cht. Da durch hab ich angweyffel/gute wercke nit wid
derradten/Sundern die rechtem guten werck dem
gerinzern furzogen. Also hab ich gesage/das ein groÿe
voÿkerüge igt in der werlt ist/das mā gottis gepot gāz
vorachtet/Vnd die weyl sich mit menschlichen rechtem
vnd wercken deckt/vmnd nū den pabst vnd serne wort/
weyt mehr furcht dan got vmnd gottis wort. Vnd wan
ich das sage/ßo spricht mā/ich widerstreb dem pabst
vnd geßlichen gerecht/wollen aber nit hören/das sie
got self vñ seynen gerecht vnuerschampt widderstrebē
Sihet mā eynē ebrecher/reuber/lugener/ßo ist es nichts
sunderlich so er ein kostlich pater noster tragen kan/eyn
eygen willige fasten halten/adder etwan eyn besondern
heyligen eere. Szo aber yemant fleisch esse am freytag
adder den heyligen tag nit seyret/adder sonst eyn kirchē
gepot nit helt/der muß erger seyn dan eyn heyde/wā er
gleich todte auffwecken kund/also hubsch gleyssen die
gepot vnd werck der mensche/gottis gepot/vnd gottis
werck/sicht man durch eynen finstern nebel an.

¶ Drumb sag ich noch/Mā sol beyderley gepot hals
ten/doch mit großem vleyß vntersheyde/dan ob schon
keyn gepot der kirchen were/Zund man doch wol frum
seyn/durch gottis gepot. Wan aber gottis gepot nach

bleybt/so ist der Kirchē gepot nit anders/dan eyn schēd
licher schand deckel/vnd macht außē eyn guten scheyn
do inwendig nichts guts ist. Der halben ist auch meynn
rad/das man der Kirchenn gepot eyns teyls ablegt ynn
eynem Concilio/auff das man gottis gepot auch eyn
mal scheynen vnd leuchten ließ/dan mit den lichten vie
ler gepot/hat man dem tag gotlichs gepots / gar nah/
die augen auß gelauht.

§ Von Den Guten Wercken.

§ Hab ich gesage/vnnd sage noch / das niemant
kan frum seyn/vnnd wol thun/es mach yhn den gottis
gnaden zuuo: frum/vñ durch werck/niemāt frum wirt
Südem gute werck geschehn allein/durch dē/der frum
ist/gleich wie die fruchte machen nit den Baum/Sun
dern der Baum bringet die frucht. Vnd als Christus sage
ein bößer Baum bringet nymer eyne gute frucht/der hal
ben alle werck/wie gut sie seind/wie hübsch das sie gley
ßen/so sie nit auß gnaden fließē/seynd sie vmbsunst/nit
ganz vmbsunst dan die guten werck die außē der gna
den gottis geschehn / belonet gott zeitlich mit reych
tūß/eere/sterck/gewalt/freud/früschafft/lust/vo:stād
zc. Aber das ewige leben erlangen sie nit.

Das alles hab ich prediget/widder die/die allein des
eußern wercks/scheyn angesehen/das gut nennen / das
gar off: poß ist vor gott/dann got nah dem hertzen nit
nah dem scheyn der wercken richtet/ Das ist so vill ge
sagt/Gott will/das wir an vns soln vorzweyffeln/vnd
an allem vnserm leben vñ wercken/auff das wir erkens
nen/das wir mit allen vnsern besten werckē/vo: seynē
augen nit mügen bestehen/sundernū alleyn auff seyne
grundloß gnade vñ barmhertzigkeit vns vortrosten vñ
also yn fürchten wandeln/vnd vnsero guten lebens zu
vorsicht fallen lassen. Sich die werck/vñ das leben/die
auß solchem söchtisamen demütigen hertzen geschehn/
seynd gut/vñ nit die/die außwendig scheynen gut/wit

groß/vill/wunderlich sie seynd/an solchen grund vnd
meynüg gesehn/Das wil der spruch des psalters. *Be-*
neplacitum est dño 7c. Gott hat eynn herrlichs wolges
fallen an den/die sich vor yhm fürchten/vnd doch auff
seyne barmhertigkeit sich vorlasiem. Dann aber fürchte
man sich/wan man erkennet/das wir für seynē gerichte
nit besteen mugen/vnd darumb vom gericht zur gnade
den thron fligen/mit David sprechen. Herr gott handel
nit mit gericht/gegen deynem diener/dan es mag keyn
lebendig mensch recht erfunden werden/für deyne augē
Also widerumb eyn mißfallen hat got an den/die sich
sicher wissen/vñ auff syre gute werck pochen. Sich die
selben freyen/sichere/hoffertige gute werck hab ich vor
worschem/auff das ich (wie die schrifft) lere/das die
forcht gottis sey das haupt gut vñ ganzes wesen/eyne
weyßen frumen menschen/vñ alle weyßheyte vnd gute
werck/dan rechtschaffen seynd/wan man sich yn den sel
ben vor gott fürchte/vñ seynes gnade begeret/das heysse
principiū sapiencie timor dñi / die forcht gottis ist das
heubte vñ ganz vormügen aller weyßheyte vñ frumkeyte.
Nu merck/ob ich gute werck vorpoie habe adder nit/
dan die forcht gottis/ist eyne gnade gottis/vnd hatt sie
niemant von yhm selber/darumb seynd alle gute werck
poße werck/wo die gnade vnd forcht nit ist.

¶ Von der Römischen Kirchen.

¶ Das die Römische Kirche von gott/für allen an
dern geeret sey/ist keyn zweyffel/dan do selb Sāct Peter
vñ Paul/16vi. beßte/darzu vil hūdert tausent martirer
yhr blut vorgossen/die hell vnd werlt vbirwunden/das
man wol greyssen mag/wie gar eynen besondern auß
blick/got auff die selb kirchen habe. Ob nu leyder es
zu Rom also steht/das wol besser tuchte/so ist doch
die/vñ keyn visich so groß/noch werden mag/das mā
sich von der selben kirchen/reysen adder scheiden soll/
Ja yhe vbeler es do zu zehrt/yhe mehr man zulassen vñ

anhangen soll / dan durch abreyßen adder vorachtenn
wilt es nit besser. Auch sol mann gott vmbsteuffels
willen nit lassen / nach die vbrügen frumen / vmb des bo
ßen hauffen willen meyden. Ja vmb keynerley sind ad
vel / das man gedencken ader nennen mag / die lieb zur
trennen / vn̄ die geystliche eynickeyt teylen / dan die lieb
vormag alle dinc / vn̄ der eynickeyt ist nichts zu schwer /
Es ist eyne schlechte liebe vnnd eynnickeyt / die sich leste
frembde sunde zur teylen.

Was aber die gewalt vn̄ vbirkeyt Römischer stuels
vormag / vn̄ wie ferne sich die self streckt / laß die geleret
aufsechten / dan / daran der seelen selickeyt gar nichts ge
legen / vnd Christus seyne kirche / nit auff die euserliche /
scheynbare gewalt vnd vbirkeyt / adder eynige zeytliche
dingk / die der werlt / vn̄ werlichen gelassen ist / sind yn
die ynwendige lieb / demut / vn̄ eynickeyt gesetzt vnd ge
grunder hatt. Darumb die gewalt / sey wie sie sey / groß
ader kleyen / ganz vber all / adder eyns teyls / sol sie vnns
gefallen / vnnd wir zu friden seyn / wie sie got aufteylet /
gleich wie wir zu friden seyn sollen / wie er ander zeyt
liche guter / eere / reychtumb / gunst / kunst ꝛc. aufteylet /
alleyn der eynickeyt soln wir acht nemen / vnnd bey leib
nit wider streben Vpsilichen gepoten.

¶ Sibe nu hofflich / es sey offenbar / dz ich der Röm
mischen kirchen nichts nemen will / wie mich meyne lie
ben frundi schelten / dz ich myr aber / etliche heuchler nit
gefallen lasse / dückt mich ich ihu recht daran / vnd solle
mich nit vor wasserblaffen zu thode furchten. dem heyl
gen Römischen stuel / soll man yn allen dingen folgen /
doch keynem heuchler nymer gleybenn.

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.